

KJKP "RAD" d.o.o. SARAJEVO

-DIREKTOR-

Broj: 05-03-04-_____/19

Sarajevo, 06.06.2019. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktorica Vera Arnautović donosi:

O D L U K U

o izboru najpovoljnijeg ponuđača za javnu nabavku rezervnih dijelova za gibnjeve, uzengije i plate - LOT 6

I

Najpovoljniji ponuđača za javnu nabavku rezervnih dijelova za gibnjeve, uzengije i plate - LOT 6 je ponuđač **AUTOELEKTRA d.o.o. Sarajevo**.

O B R A Z L O Ž E N J E

KJKP "RAD" d.o.o. Sarajevo je dana 04.04.2019. godine na portalu javnih nabavki BiH objavio Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za javnu nabavku rezervnih dijelova za gibnjeve, uzengije i plate - LOT 6, sa rokom dostave ponuda 15.05.2019. godine.

Po otvorenom postupku za nabavku pristigle su 3 (tri) ponude i to ponude firmi:

- **AUTOELEKTRA d.o.o. Sarajevo**
- **DRR AUTO d.o.o Kiseljak**
- **SINHRON d.o.o. Sarajevo**

Komisija za javnu nabavku je u toku provođenja otvorenog postupka sa međunarodnom objavom i nakon detaljnog pregleda dostavljene dokumentacije utvrdila sljedeće:

- Ponuđač **DRR AUTO d.o.o. Kiseljak** nije dostavio u skladu sa tenderskom dokumentacijom Izjave po članu 45, 47 i 52, iz razloga jer nije naveo broj obavještenja o javnoj nabavci, kao ni broj službenog glasnika. Nadalje ponuđač nije dostavio Izjavu ponuđača da će, ukoliko bude odabran obezbijediti katalog za rezervne dijelove – sistem koji omogućava pristup kataloškim brojevima sa odgovarajućim vremenskim izmjenama – update-ima zbog dodatnih informacija o izmjeni podataka za rezervne dijelove, sa ili bez dodatne novčane naknade, a koja je tražena tačkom 12.2. pod (f) tenderske dokumentacije, te je ova ponuda ocijenjena kao **nepotpuna i neprihvatljiva**.
- Ponuđači **AUTOELEKTRA d.o.o. Sarajevo** i **SINHRON d.o.o. Sarajevo** su postupili u skladu sa tenderskom dokumentacijom, i dostavili svu potrebnu dokumentaciju, te su ove ponude ocijenjene kao **potpune i prihvatljive**.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. „AUTOELEKTRA“ d.o.o. Sarajevo

Cijena (129.340,00 KM)

2. „SINHRON“ d.o.o. Sarajevo

Cijena (212.588,00 KM)

Obzirom da se radi o otvorenom postupku javne nabavke sa međunarodnom objavom kojim je predviđeno sklapanje Okvirnog sporazuma, a da je broj prihvatljivih ponuda dvije (2), cijeneći budžet ugovornog organa određen za nabavku predmeta javne nabavke od strane Komisije za javne nabavke utvrđeno je da je zadovoljena stvarna konkurencija, te je data preporuku Ugovornom organu da se provede e-aukcija dana 31.05.2019. godine, u skladu sa informacijama o procesu e-aukcije datim u tenderskoj dokumentaciji.

Ugovorni organ je dana 29.05.2019. godine zakazao E-aukciju za dan 31.05.2019. godine u 12:00 h. Nakon provedene E-aukcije utvrđena je konačna rang lista ponuđača, a u skladu sa Izvještajem o toku i završetku e-aukcije.

Konačna rang lista ponuđača:

1. „AUTOELEKTRA“ d.o.o. Sarajevo

Cijena (129.340,00 KM)

2. „SINHRON“ d.o.o. Sarajevo

Cijena (212.588,00 KM)

Obzirom da se radi o otvorenom postupku javne nabavke sa međunarodnom objavom kojim je predviđeno sklapanje Okvirnog sporazuma, cijeneći budžet ugovornog organa određen za nabavku predmeta javne nabavke, Komisija za javne nabavke daje preporuku Ugovornom organu da u skladu sa članom 69. stav 1. tačka a) Zakona o javnim nabavkama BIH (“Službeni glasnik BiH”, broj 39/14) prihvati ponudu ponuđača **AUTOELEKTRA d.o.o. Sarajevo** kao potpuna i prihvatljiva, budući da je dostavio svu potrebnu dokumentaciju te ponudio godišnju cijenu u iznosu od: 129.340,00 KM bez uračunatog PDV-a, sa tim da će se nabavka vršiti u skladu sa tačkom 25. tenderske dokumentacije i procijenjenom godišnjom vrijednosti iz tačke 6. tenderske dokumentacije, obzirom da se radi o izuzetnoj nabavci po Ugovorni organ i to u iznosu od: 30.000,00 KM bez PDV-a godišnje.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

Pouka o pravnom lijeku: Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 10 (deset) dana od dana prijema ove Odluke.

KJKP „RAD“ d.o.o. Sarajevo
v.d. direktorica
Vera Arnautović, dipl.pravnik

DOSTAVITI:

- Ponuđačima;
- Direktor;
- Komercijalnoj službi;
- a/a;